

## UGOVOR

Broj: 0602-3423-5/18

Radovi dogradnje drenažnog sistema na parcelama M11 i M12  
sa sanacijom i dovođenjem u prvobitno stanje

### UGOVORNE STRANE:

**UGOVORNI ORGAN:** KJKP „POKOP“ d.o.o. Sarajevo, Mula Mustafe Bašeskije 38,  
kojeg zastupa Direktor Goran Cerić (u daljem tekstu: Ugovorni organ)  
ID broj: 4200119040004; Porezni broj PDV: 200119040004;

**DOBAVLJAČ:** Bucomerc d.o.o. Kiseljak, ul. Brestovsko bb, kojeg  
zastupa direktor Salih Mustajbegović (u daljem tekstu: Izvođač)  
ID broj: 4236016990009, porezni broj PDV: 236016990009.

### UVODNE ODREDBE

#### Član 1.

Ugovorne strane sklapaju ovaj Ugovor na osnovu provedenog direktnog postupka za javnu nabavku – Radova dogradnje drenažnog sistema na parcelama M11 i M12 sa sanacijom i dovođenjem u prvobitno stanje, prihvaćene ponude Dobavljača broj 0602-3423-3/18 od 15.10.2018. godine i Odluke o odabiru ponuđača sa kojim se zaključuje direktni sporazum broj 0602-3423-4/18 od 15.10.2018.godine.

### PREDMET UGOVORA

#### Član 2.

Predmet ovog Ugovora je Radovi dogradnje drenažnog sistema na parcelama M11 i M12 sa sanacijom i dovođenjem u prvobitno stanje, prema prihvaćenoj ponudi Izvođača, a po ukazanoj potrebi Ugovornog organa.

### UGOVORENA CIJENA

#### Član 3.

Cijena radova koji su predmet ovog Ugovora bez PDV-a iznosi	5.900,00 KM
PDV na ponuđenu cijenu radova iznosi	1.003,00 KM
Cijena radova koji su predmet ovog Ugovora sa PDV-om iznosi	6.903,00 KM

### PLAĆANJE

#### Član 4.

Ugovorni organ će plaćanje cijene iz člana 3. ovog Ugovora izabranom Izvođaču izvršiti u roku do 60 (šesdeset) dana po ispostavljanju sljedećih dokumenata:

- Izvještaj o izvršenim radovima sastavljen i ovjeren od strane nadzornog organa;
- Za plaćanje uredno ispostavljene fakture osim navedenog potrebno je dostaviti Zapisnik o primopredaji izvršenih radova.

Izvođač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i biti će vraćena Izvođaču na usklađivanje.

Uslovi plaćanja i drugi uslovi koje Izvođač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

#### **Član 5.**

Plaćanje će se vršiti na transakcijski račun Izvođača radova broj 1610700004560043 otvoren kod Raiffeisen Bank.

#### **ROK ZA IZVOĐENJE RADOVA**

##### **Član 6.**

Izvođač se obavezuje da sveukupne radove iz člana 2. ovog Ugovora izvrši u roku od 5 (pet) kalendarskih dana od dana uvođenja u posao.

Pod uvođenjem u posao, u smislu prethodnog stava, smatra se potpisivanje ugovora, predaja lokacije za izvođenje radova i imenovanje lica ovlaštenog za nadzor nad izvođenjem radova od strane Ugovornog organa, odnosno rukovodioca radova od strane Izvođača radova.

#### **GARANTNI ROK**

##### **Član 7.**

Garantni rok za izvedene radove je 36 (tridesetšest) mjeseci i teče od dana primopredaje izvedenih radova. Sve štete i neispravnosti koje bi se ukazale kao posljedica nesolidne izvedbe radova, te upotrebe lošeg materijala, Izvođač se obavezuje otkloniti o svom trošku u toku garantnog roka.

Na poziv Ugovornog organa za otklanjanje neispravnosti koje se uoče u toku garantnog roka Izvođač je dužan da se odazove u roku od 2 (dva) dana, a eventualne štete i neispravnosti koje su se ukazale kao posljedica nesolidne izvedbe radova Izvođač je dužan otkloniti u roku kojem odredi Ugovorni organ.

#### **PRIMOPREDAJA RADOVA**

##### **Član 8.**

Primopredaja izvedenih radova između Izvođača i Ugovornog organa izvršit će se nakon završetka radova i obavljenog prijema izvedenih radova od strane Komisije za prijem radova formirane posebnim rješenjem Ugovornog organa. Prijemu izvedenih radova osim članova Komisije prisustvovat će i Nadzorni organ ispred Ugovornog organa i ovlašteni predstavnik Izvođača radova.

O izvršenoj primopredaji izvedenih radova sačinit će se Zapisnik.

#### **OBAVEZE IZVOĐAČA**

##### **Član 9.**

Izvođač se obavezuje da:

- Izvede ugovorene radove u svemu prema predmjeru i predračunu radova, naložima ugovornog organa, te važećim tehničkim propisima i standardima za ovu vrstu radova;
- Uredno vodi izvođačku dokumentaciju i dostavlja na uvid nadzornom organu Ugovornog organa i odgovornoj osobi za praćenje realizacije ugovora ispred Ugovornog organa;
- Poduzima sve potrebne mjere za osiguranje i zaštitu objekata, radova, opreme, materijala i radnika, prolaznika, prometa, instalacija i susjednih objekata;
- Nadoknadi eventualnu štetu nastalu nesavjesnim postupanjem u toku izvođenja radova ili je otkloni o svom trošku;
- Uredi gradilište po završetku radova.

## OBAVEZE UGOVORNOG ORGANA

### Član 10.

Ugovorni organ se obavezuje da:

- Osigura slobodan pristup lokalitetu izvođenja radova;
- Prije početka radova odredi stručno lice za nadzor i o tome obavjesti Izvođača;
- Imenuje odgovornu osobu za praćenje ovog ugovora;
- Od Izvođača primi izvedene radove;
- Izvođaču plati ugovorenu cijenu na način i u rokovima utvrđenim ovim ugovorom.

## UGOVORNA KAZNA

### Član 11.

U slučaju kašnjenja u izvođenju radova, do kojeg je došlo krivicom Izvođača, isti će platiti ugovornu kaznu u skladu sa Zakonom o obligacionim odnosima, u iznosu od 1 ‰(promil) ugovorenih radova, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti koja je predmet nabavke. Izvođač je dužan platiti ugovorenu kaznu u roku od 7 dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

## OSTALE ODREDBE

### Član 12.

Za sve što nije određeno ovim Ugovorom, primjenjivaće se odredbe Zakona o obligacionim odnosima.

### Član 13.

Sve eventualne nesporazume nastale po ovom Ugovoru, ugovorne strane se obavezuju riješiti sporazumno, u protivnom nadležan je Općinski sud u Sarajevu.

### Član 14.

Ovaj Ugovor sačinjen je u 6 (šest) istovjetnih primjeraka, i to 2 (dva) za Izvođača, 4 (četiri) za Ugovorni organ

**UGOVORNI ORGAN**  
KJKP «POKOP» d.o.o. Sarajevo  
  
\_\_\_\_\_  
Direktor, Goran Cerić

Broj, 0602-3423-5/18  
Sarajevo, 16.10.2018. god.

**IZVOĐAČ:**  
Bucomerc d.o.o. Kiseljak  
  
\_\_\_\_\_  
Direktor, Salih Mustajbegović

Broj, 01-263/18  
Sarajevo, 16.10.2018 .god.